

欽定四庫全書

法書要錄卷十

唐 張彥遠 撰

右軍書記

十七帖長一丈二尺即貞觀中內本也一百七行九百四十二字是烜赫著名帖也太宗皇帝購求二王

書大王草有三千紙率以一丈二尺為卷取其書迹及言語以數相從綴成卷以貞觀兩字為二小印印

欽定四庫全書

之褚河南監裝背率多紫檀軸首白檀身紫羅標織成帶開元皇帝又以開元二字為二小印印之跋尾

又列當時大臣等十七帖者以卷首有十七日字故號之二王書後人亦有取帖內一句語稍異者標為

帖名大約多取卷首三兩字及帖首三兩字也

十七日先書都司馬未去即日得足下書為慰先書以具示復數字

吾前東粗足作佳觀吾為逸民之懷久矣足下何以方

欽定四庫全書

法書要錄卷六

唐 張彥遠 撰

竇 泉

述書賦下

我巨唐之膺休一六合而闡幽武功定文德脩高祖運

龍爪陳春謀自我雄其神貌冠梁代之徽猷神堯皇帝 龍西李氏

薛淵仕隋官至殿內少監右驍衛將軍大丞相封唐王及受禪即位革隋為唐又王右軍書柱作爪形時觀者

號為龍爪書高祖師王褒得妙故有梁朝風格焉

太宗則備集王書聖鑒旁啟

定庫書

欽四全

法書要錄

二

中國書局

唐·張彥遠 撰

法書要錄

(二)

中國書局

圖書在版編目（C I P）數據

法書要錄 / (唐) 張彥遠著. — 北京：中國書店，
2014.1

ISBN 978-7-5149-0895-4

I. ①法… II. ①張… III. ①漢字－書法理論－中國－古代 IV. ①J292.1

中國版本圖書館CIP數據核字(2013)第263730號

四庫全書·藝術類

法書要錄

作者 唐·張彥遠撰

出版發行 中國書店

地址 北京市西城區琉璃廠東街一一五號

郵編 一〇〇〇五〇

印刷 北京中創彩色印刷有限公司

開本 730毫米×1130毫米 1/16

印張 43.5

版次 二〇一四年一月第一版第一次印刷

書號 ISBN 978-7-5149-0895-4

定價 一一八元（全二冊）



欽定四庫全書

《太玄經》十卷 漢楊雄撰，晉范望注

《漢書·藝文志》稱揚雄所序三十八篇，《太玄》十九。其本傳則稱《太玄》三方、九州、二十七部、八十一家、二百四十三表、七百二十九贊，分爲三卷，曰一、二、三與太初歷相應。又稱有首、衝、錯、測、摛、瑩、數、文、揆、圖、告十一篇，皆以解剥元體，離散其文，章句尚不存焉。與《藝文志》十九篇之說已相違異。以今本校之，其篇名、篇數一一與本傳皆合，固未嘗有脫佚也。

注其書者，自漢以來，惟宋衷、陸績最著。至晉範望，乃因二家之注，勒爲一編。雄書本擬《易》而作，以家準卦，以首準象；以贊準爻，以測準象，以文準文言，以摛、瑩、揆、圖、告準系詞，以數準說卦，以衝準序卦，以錯準雜卦，全仿《周易》。古本經傳各自爲篇，望作注時，析元首一篇分冠八十一家之前，析元測一篇分系七百二十九贊之下，始變其舊，至今仍之。

詳按官主事臣陳木

欽定四庫全書

法書要錄卷六

唐 張彥遠 撰

述書賦下

竇 泉

我巨唐之膺休一六合而闡幽武功定文德脩高祖運

龍爪陳睿謀自我雄其神貌冠梁代之徽猷

神堯皇帝
隴西李氏

諱淵仕隋官至殿內少監右驍衛將軍大丞相封唐王
及受禪即位革隋為唐又王右軍書柱作爪形時觀者
號為龍爪書高祖師王褒
得妙故有梁朝風格焉
太宗則備集王書聖鑒旁啟

雖躡閭并未登階陞質詎勝文貌能全體兼風骨總法

禮

文武皇帝諱世民神堯子當貞觀年中鳩集二王真迹徵求天下併充御府

武后君臨藻

翰時欽順天經而永保先業從人欲而不顧兼金

則天皇后

沛國武氏士韞女臨朝稱尊號曰大周金輪皇帝時鳳閣侍郎石泉王公方慶即晉朝丞相導十世孫有累代祖父書迹保傳於家凡二十八人緝成一十一卷后墨制問方慶因而獻焉后不欲奪志遂盡模寫留內其本加寶飾錦綉歸還王氏人到于今稱之右史崔融撰王氏寶章集序具紀其事睿宗垂文規

模尚古飛五雲而在天運三光以窺戶

睿宗皇帝天皇第四子性淳和

好書史尚古質書法正體不樂浮華開元應乾神武聰明風骨巨麗碑版

崢嶸思如泉而吐鳳筆為海而吞鯨諸子多藝天寶之

際迹且師於翰林嗟源淺而波細

開元天寶皇帝仁孝慈和兼負英斷好圖

畫少工八分書及章草殊異英特自諸王殿下已下多效吳嗣李徐雖有工夫不能高遠開元中八分書北京

義堂西岳華山東岳封禪碑雖有當時院中學士共相摹勒然其風格大體皆出自聖心漢王童年

自得書意夙承義獻守法不二

漢王元昌文皇帝弟

惠文靡倦博

好敦勸恨夫有始無終灰燼成空苟懼存而投閣徒榮

沒而昇宮尚可謂梁園筆壯樂府文雄累聖重光之盛

業六書一藝之精工非所以抑至人之徇已服勇士以

雕蟲責繁聲於韶護徵豔色於蒼穹者也

岐王元範追冊惠文太子

開元皇帝弟時天府圖書為張昌宗竊換張氏誅後歸薛稷稷歿為王所得初不聞奏後憲馬乃盡焚之言樂府文雄者王多能好事爰有懷琳厥迹疎壯假他人之有文詞特為歌者所唱

姓字作自已之形狀高風甚少俗態尤多吠聲之輩或

浸餘波

李懷琳洛陽人國初時好為偽迹其大急就稱王書及七賢書假云薛道衡作叙及竹林叙事

昇衛夫人咄咄逼人嵇康絕交書並懷琳之偽迹也有姓謝名道士者能為蠟紙嘗書大急就兩本各十紙言詞鄙下跋尾分明徐唐沈范蹤跡烜赫勞茲裝背持以質錢貞觀中勅頻搜尋彼之錢主封以詣闕太宗殊喜賜縑二百疋懷琳乃上別本因得待詔文林館故在內之本有貞觀印焉頃年在右相林甫家後本在張懷瓘

虞尋轉易與字起居

若乃出自三公一家面首歐陽在焉不顧偏

醜頤翹縮夾了臬黥紕如地隔華戎屋殊戶牖學有大

小夏侯書有大小歐陽父掌邦禮子居廟堂隨運變化

為龍為光

歐陽詢長沙人紕之子幼孤陳中書令江總收養書出于北齊三公郎中劉珉官至率更

令太常少卿子通亦能繼美拜納言封渤海公

永興超出下筆如神不落疎慢

無慙世珍然則壯文幾而老成與貞白而德鄰如層臺

緩步高謝風塵纂煥嗣聖體多拘檢如彼珉珎亂其琬

琰

虞世南會稽人荔之子迹居四公之上官至秘書監贈禮部尚書封永興公子纂孫煥皆能繼世煥授武

官在仗宿衛初隋有猛將來護兒子恒濟皆負才學入
唐繼登三仕故陸元方所云來護兒兒把筆虞世南兒
帶刀言物極則反一至於此也河南專精克儉克勤伏膺告誓銳思猗

文恐無成於畫虎將有類於效顰雖價重衣冠名高內

外澆漓後學而得無罪乎

褚遂良河南人兼愛子尚書左僕射河南公兼愛名亮東

都東之效虞疎薄不逮少保師褚菁華却倍超石鼠之

效能愧隋珠之掩額

陸東之吳郡人仁公子虞氏之出官為著作郎薛稷河東人太子少

保

房文昭則雅而和隱乃訛精神乏氣胸臆餘波若蘋

萍異品共泛中河

房喬字玄齡清河人彥謙子官至司空贈太尉文昭公殷公王

公兼正兼署大乃有則小非無據騏驎將騰鸞鳳欲翦

題二榜而迹在歎百川而身去

殷仲容陳郡人不害之孫令名之子奕世工書

尤善書額官至禮部郎中書汴州安業寺額京師哀義開業資聖寺東京太僕寺靈州神馬觀額皆精妙曠古王知微太原人門傳孝義工正行書署書與殷同工而異曲兼草書弟知慎工圖畫兄官至祕書少監當時雙絕與仲容齊肩天后詔一人署一寺額仲容題資聖知敬題清禪俱為獨絕洛川長史德政二賈碑在修行寺東南角即知敬之迹極峻利豐秀清禪資聖寺至今路人識者駐馬往觀普濟度寺即父令名手蹤皆為後代式

程王祕監則首末全貞尊道重德或終紙而結字或重

模而足

道句反

墨獲落風規雄壯氣力播清譽而祖述屢

見賞於有識如曲圃鴻飛芳園桂植

王紹宗瑯琊人修禮子官至祕書少

監虔禮凡草閭閻之風千紙一類一字萬同如見疑於

冰冷甘沒齒於夏蟲

孫過庭字虔禮富陽人右衛胄曹參軍

張長史則酒

酣不羈逸軌神澄回眸而壁無全粉揮筆而氣有餘興

若遺能於學知遂猶荷其顛稱

張旭吳郡人左率府長史俗號張顛

雖宜

官售酒子敬運帚遐想邇觀莫能假手拘素屏及黃卷

則多勝而寡負猶莊周之寓言於從政乎何有

後漢師宜官工

書嗜酒每遇酒肆輒書於壁顧觀酒因大售計價償足而減之王子敬以帚泥書壁觀者如市已上皆言旭之

可
比湖山降禮狂容風流落筆精絕芳詞寡儔如春林之

絢彩實一望而寫憂邕容省闈高逸豁達解朝服而歸

鄉歛霓裳而辭闕

賀知章字季真會稽永興人太子洗馬德仁之孫少以文詞知名工草隸

書進士及第歷官太常少卿禮部侍郎集賢學士太子
右庶子兼皇太子侍讀檢校工部侍郎遷祕書監太子
賓客慶王侍讀知章性放蕩晚年尤縱無復規檢年
八十六自號四明狂客每興酣命筆好書大字或三百
言或五百言詩筆唯命問有幾紙報十紙紙盡語亦盡
二十紙三十紙紙盡語亦盡忽有好事與造化相爭非
人工所到也天寶二年以老年上表請入道歸鄉里特
詔許之重令入閣諸皇以下拜辭上親製詩序令所司
供帳百寮餞送賜詩叙別知章表謝手詔答曰卿儒才
舊業德著老成方欲乞言以光東序而乃高蹈世表歸

心妙門雖雅意難違良深耿歎眷言離祖是用贈詩宜
保松喬慎行李也兒子等常所執經故令親別尊師之
義何以謝焉仍拜其子典設郎僧子為朝散大夫本郡
司馬以伸侍養知章以羸老乘輿而往到會稽無幾老
終元年冬十二月詔曰故越州千秋觀道士賀知章神
清志逸學富才雄挺會稽之美箭蘊崑岡之良玉故飛
名仙省待詔龍樓願追二老之奇蹤克遂四明之狂客
允協初志脫落朝衣駕青牛而不還狎白鷗而長往丹
壑靡息人琴兩亡推舊之懷有深追悼宜
加緼禮式展哀榮可贈兵部尚書者也

廣平之子令

範之首姪姁鍾門逶迤王後武都先覺翰墨泉藪子敬

元常得門窺牖侍中簡穆異代同友於孔門而升堂惜

顏子之不壽

徐嶠之東海人廣平太守子浩中書舍人
國子祭酒李造隴西人武都公言侍中簡

穆即子雲僧處韓常侍則八分中興伯喈如在光和美古今

遠代昭刻石而成名類神都之冠蓋韓擇木昌黎人工部尚書歷右散騎

常赫赫許昌翰苑文房徵前賢而少對當聖代而難方

田琦雁門人德平之孫工八分小篆署書圖畫寫洪崖子張璠雲樓并雪木行於世官歷陝令豫蘄許等州刺

史兼裴背有孫栖梧尤妙其事德平武德功臣拜兵部尚書衛包蔡隣功夫亦到出

於人意乃近天造衛包京兆人工八分小篆通字學兼象緯之術官至尚書郎蔡有隣濟陽

人善八分本拙弱至天寶之間遂至精妙相衛中多其迹榮陽昆弟內外光華揮毫

美麗自是一家幼弟曰通丹青大誇信斲玉而剖石即

揀金而披沙

鄭遷及弟邁遇並工八分崔氏出中書令提之甥遷官至後儀尉季弟邁善山水天

寶中知名梁采

溫良之德書畫兼美誠依仁以游藝同上善之

若水

皇室李權工八分弟樞工小篆姪平鈞亦善小篆兼妙山水並冠絕一時淮安王神通曾孫權官歷

金州刺史樞侍御史平鈞富詞學江陵掾

詩興入神畫筆雄精李將軍世稱

高絕淵微已過薛少保時許美潤合極不如

右丞王維字摩詰瑯

琊人詩通大雅之作山水之妙勝於李思訓弟太原少尹縉文筆泉數善草隸書功超薛稷二公名望首冠一時時議論詩則曰王維崔顥論筆則曰王縉李邕祖詠張說不得預焉幼弟紱有兩兄之風閨門之內友愛之

極

史侍御惟則心優世業階字籀篆古今折衷大小應